

**ԿԱԹՈՂԻԿՈՍԱԿԱՆ ՏԵՂԱՊԱՀ Տ. ՆԵՐՍԵՍ
ԱՐՔԵՊԻՍԿՈՊՈՍ ՊՈԶԱՊԱԼՅԱՆԻ ԽՈՍՔԸ
ՈՒՂՂՎԱԾ ՈՒԽՏԱՎՈՐՆԵՐԻՆ**

(27 ՀՈՒՆԻՍ, 1999 Թ.)

Մայր Աթոռ Ս. Էջմիածնից հղում ենք ձեզ հատուկ օրհնություն ու մաղթում ուժ և կարողություն, աստվածային հավատքի գորություն, որպեսզի ևա իբրև ռահվիրաներ ճանապարհի հաղթահարի մեր ուխտագնացների համար, որպեսզի այս օրերում իրենց ուխտը կարողանան ի կատար ածել Լեռնային Ղարաբաղից, Արցախից մինչև Մայր Աթոռ Ս. Էջմիածին, Ա. Աստվածածնի տոնի առիթով: Չեզ այստեղ՝ Մայր Տաճարում կապասենք սիրով, Ա. Աստվածածնի խնդրանքներով և աղոթքներով, որպեսզի ձեր ճանապարհը ծանր չքվա ձեզ, այլ կարողանաք այս տասը օրերու ընթացքում կատարել ձեր պարտականությունը իբրև առաջին քայլողներ Արցախից մինչև Ս. Էջմիածին և այդ ճանապարհի անցումը բարեհաջող կատարեք: Բյուր օրհնություն ձեզ, ուժ և կարողություն:

Քիչ առաջ Արբազան Հայրը հիշեց մի բանաստեղծություն, որ Հովհաննես Թումանյանի կողմից գրված է և մեր մանկության տարիներում «Թանգարան» գրքին մեջ արձանագրված է հետևյալ ձևով. «Ա՛յ ուխտավոր, հա՛յ ուխտավոր, որ ուխտի կերթաս դեպ Արարատ»:

Արարատը մի բարձունք է, ուր Նոյյան տապանը հանգչեց, ուր Նոյը իջավ և իր առաջին գոհը մատուցեց, Ա. Էջմիածինը մի բարձունք է, ուր Ս. Գրիգոր Լուսավորիչը աստվածային տեսիլքով Միածինը իբրև այս երկու բարձունքների ուխտավոր իջած տեսավ: Բարի ճանապարհ և ուժ, համբերություն, կարողություն: Աստված մեր ժողովուրդը 1700-ամյակի առիթով պիտի օրհնի, բայց մանավանդ պիտի օրհնվեն նրանք, ովքեր դարձ են ապրում, զոհողություն ի սեր Քրիստոսի և ի սեր Հայաստանյայց Առաքելական Ս. Եկեղեցվո: Չեր ճանապարհը բաց է, ինչպես Հիսուս իր աշակերտները ուղարկած ժամանակ ասաց. «Ուր որ ձեզ ընդունում են, այնտեղ մտեք, մեր օրհնությունը տարեք, մեր սերն ու հարգանքը տարեք, ուր որ ձեզ չեն ընդունում, ձեր կոշիկների փոշին թոթվեցեք և հեռացեք»: Բայց վատահ եղեք, որ մեր ժողովուրդը և ամեն տուն ձեզ գրկաբաց պիտի ընդունի: Բարի ճանապարհ և բարի վերադարձ դեպի Մայր Աթոռ Ս. Էջմիածին:

«Օրհնելիք եղերուք ի շնորհաց Սուրբ Հոգւոյն, երթայք խաղաղութեամբ և Տէր մեր Յիսուս Քրիստոս եղիցի ընդ ձեզ ճանապարհորդակից և գօրավիգ, այժմ և միշտ և յաւիտեանս յաւիտենից, ամէն»: